



19.november 2018

UKA2018/170

**Inuusuttut inissiat pillugit nassuiaammik Naalackersuisut kingusinnerpaamik UKA2019-imi saqqummiussinissaat pillugu Inatsisartuni aalajangiiffigisassatut siunnersuut. Nassuiaammi inissianik sanaartornermi maanna suliniutaareersut sakkussallu tassunga attuumassuteqartut, soorlu ineqarnermut tapiissutinik nalilersuinerimik imaqarlunilu maanna ingerlanneqartunit pisariaqartitsineq naammassineqarsinnaanngippat suliniutinut tapiliussassanut kaammattuutinik imaqassaaq**

(Aleqa Hammond, Nunatta Qitornai)

Mimi Karlsen IA-meersoq 2019-mi ukiakkuanut saqqummertussamik nassuiaasioqqusivoq inuusuttut inissiat pillugit. Tamassumagoq imarissavaa suliniutaareersut sakkussallu tassunga aattumassutillit pillugit aammalu ineqarnermut tapiissutit nalilersussasut minnerunngitsumillu maanna ingerlanneqartunit pisariaqartitsineq naammassineqarsinnaanngippat suliniutinut tapiliussassanut kaammattuutinik imaqassasoq.

Siunnersuuteqartup inuusuttut immikkut isiginiarpai tunngavilersuuteqarnerminilu pisariaqartitsineq annertoq aammalu isertitakkaajunngikkaluarluni akilersinnaasut inissiat ujartorlugit. Siunnersuuteqartup erseqqissaassutigaa inuusuttuaqqat amerlasuut nalaasaarfinni sinngumasartut aammalu inissaalatsisartut. Tamanna soorumani namminerisamik peqqinnartuunngilaq aammalu siunnerfiunngisaannassasoq neriuutigaarput. Ukiualunnguit matuma siorna naalackersuinikkut meeqqat ileqqaartinneqartarnikuupput siunertarerpjarlugu siunnersuuteqartup ujartugaanut atu-gassat, tassa inuusuttut namminerisamik inersimasunngorunik inigisartaarnissaminnut tapertasaa-nik inuunermi aallartilluarnissamut naalackersuinikkut tunuliaqutserneqarnermut namminerisamik pigisassamik ineqalersinnaanermut ilaatigut atorneqartussat. Ajoraluartumillu siunnersuuteqartut partiiata tamanna atorunnaarsinnikuuat, massa siunnersuuteqartup tunngavilersuuteqarnerminut siunertaq taannaasimasoq ersersikkaluaraa.

Taamaakkaluartoq qujanarpoq naalackersuisoqarpugut taakkununga inuusuttunut immikkut aamma isiginnillutillu pisariaqartitaannik tunngaveqarlutik politikkeqartunik. Qujanaqateqanngilaq. Naalackersuisummi akissuteqarnerminni erseqqissaassutigaa angunigaareersoq inissiat aamma inuusuttunut naleqqussakkat. Assersuutitut erseqqissaassutigineqarpoq naalackersuisunit maan-nakkut Qaqortumi Sisimiunilu inissiat tamanit atorneqarsinnaasut sanaartorneqartut taakkulu tul-luarsaavigineqarsimasuusut inissiat minnerusut soorlu ilinniartunit, utoqqalinersiuteqartunit allan-ullu minnerusunik inissianik pisariaqartitsisunut.

# Nunatta Qitornai

## Inatsisartuni



Siunnersuuteqartoq akerrililersorneqanngilaq, erseqqissaassutigiumavaralu siunersuummut itigartitsinitsinnut tassa inissiat ugartorneqartut siunnerfigineqareerlutik sanaartorlutik aallartereersimasut nassuiaasiarineqarnissaat pisariaqartutut isiginnginnatsigu. Kissaatiinnarumavugut naalakkersuisut suliamut pingaaruteqartumut ingerlataannut inuusuttunut utoqqarnut allanullu pisariaqartitsisunut siunissami ineqalersussanut quttasilluta.